



Asocijacija le dadengi thaj le dejangi 1

E asocijacija le dadengi thaj le dejangi si jek dadengi thaj dejangi gupa, kaj lenge šavore žan ande jek isto škola. E asocijacija trudil pe pala dadenge thaj dejange želje taj problemura.

Le asocijacijske love (katar le članarine thaj donacije,...) den pe pala godola šavore, kaj si lengi familija maj čori. Godole ažutimasa šaj, po egzemplo, vi le maj čore šavore te žan pe školake ekskursije.

Le dadenge thaj dejange asocijacije si te inkeren la asocijacijsko zakono.

Pala o zakono si te promotil la školaki direkcija e formacija thaj e buči katar e asocijacija le dadengi thaj le dejangi.

Po teljarimos katar školako berš inkerdol o generalno kidipe, losardol o presidijumo thaj anel pe e decizija, kači kam avel e članarina palaj asocijacija (normalno si kava katar 5.00 ži ka 25.00 Evro). Kon počinel e članarija, godova si asocijacijsko membro pala kava školako berš.

O presidijumo formiril:

- O presedniko thaj lesko zameniko

(del le direktive)

- O referento la financijako thaj lesko zameniko

(vov brigil pala asocijacijske love)

- O Le protokolosko šerutno thaj lesko zameniko

(ramol lila thaj protokolura palaj asocijacija)

Svakona asocijacijske si te aven la duj kasake kontrolorja, aj so le dujen si len le isti pravur. Von kontrolišin e asocijacija.

Savora žene keren pengi buči bipočinimasko.

Le dadengi thaj dejangi asocijacija šaj te organizuil informacijake kidimata pala le šavorengede dada thaj deja, šaj te organizuil jeke školake fotografos vaj šaj te ažutil le sikhavnenge thaj la školaka direkcijake ka l' projektura thaj ka l' školake slave.

Le dadengi thaj dejangi asocijacija šaj te avel membro ka LandesElternVerbandWien. Kova organizuil seminarura thaj ažutil le dadenge thaj dejange asocijacijske, le dadenge, dejange, thaj le ženenge, kaj si len pravo edukacijako.